

南巡盛典

名勝

卷二百二卷二百三

784
1199
41



奏議

卷一百六
一百七
一百八



王棟題

24
門
號
卷

南
山
名
勝



卷
一
百
一
名
勝

芬

宮

江

廬



江寧

行宮

地居會城之中向為織造解署乾隆十六年
皇上恭奉

慈寧巡行南服大吏改建



行殿數重恭備

臨幸窻楹棟宇丹艸不施樹石一區以供

臨憩西偏即舊池重濬周以長廊通以略約俯檻

臨流有合於魚躍鳶飛之境

報恩棗



報恩寺

在聚寶門外古大長干里也向有阿育王塔
卽以名寺吳時四塔並廢晉大元中掘得舍
利卽其地建塔焉南唐時復廢宋祥符中重
建天禧中改名天禧寺明永樂間增至九級
賜名報恩嘉靖中大殿燬

國朝康熙三年重修塔高百餘丈五色琉璃照
耀雲日篝燈百二十有八佛火宵然光徹遠
近我

皇上親洒宸翰一層各

賜一額焉

湖一勝

星上勝

燕

雉

臺



主景也

景其真善無異

大真亦無異

景其真善無異

大真亦無異



雨花臺

御亭


雨花臺

在江寧府聚寶山東麓梁雲光法師講經於
 此天為雨花故名據岡阜之巔俯矚城闔烟
 火萬家與遠近雲峯相間大江如帶千頃微
 茫其頂舊無草宋劉克莊詩一片山無草敢
 生是也

朝

天

宮



朝天宮



地卽冶城相傳爲吳夫差鑄劍處晉建冶城寺宋爲天慶觀蘇軾有天慶觀詩明洪武重修易今名山門徑道向折爲九恭逢

皇上臨幸大吏鳩工改作重門直達前爲三清殿後爲大通明殿棟宇崇深規制鉅麗乾隆二十九年欽奉

皇太后發帑重新石室丹臺均蒙

慈蔭瑤函寶籙永介

鴻釐乃爲金陵道觀之最




清涼山

在江寧府之西北隅山據石頭城下臨大江
 稱金陵雄觀上有清涼寺吳順義中名興教
 寺唐為清涼道場宋為清涼廣惠寺蘇軾嘗
 捨彌陀佛畫像有贊明初改今名其巔有翠
 微亭南唐時建舊藏董羽畫龍李後主八分
 書李霄達草書稱三絕

雞

鳴

山



鷄鳴山

在江寧府城東北舊名鷄籠象形也宋元嘉
 中徵廬山隱士雷次宗使開館聚徒教授又
 竟陵王子良於此集學士為四部要略其東
 麓則晉永康間建設道場明初改創為寺建
 浮圖五級前俯會城後瞰元武湖

聖祖


御題曠觀二字勒石蓋亭山之全勝具煥發
 奎藻中矣而

日月之華益光於復旦茲山何榮遇若此其巔為
 北極閣祀文昌



聖恩以

泉



南遊記

靈谷寺



在鍾山東南舊有道林寺在獨龍阜明初徙於此改名靈谷入山門松逕五里乃至殿廡規制頗極壯麗有無梁殿不施一木壘甃空洞而成後有浮圖卽寶誌改葬處塔前有石泉僧曇隱所得八功德水也東有琵琶街履之有聲地本擅靈乾隆三十二年復蒙

聖恩以杭州宋德壽宮梅石

御筆詩畫碑摹發寺供奉而名藍永在天界矣








牛首山

在城南三十里雙峯角立取其形似晉王導指為天闕故亦名天闕山高一百四十丈由山麓起石磴數百級杉檜行列殊有幽致上有虎跑泉南有芙蓉峯梅雪嶺山峯之間為梁昭明飲馬池山有石窟深不測曰辟支洞梁武建寺因名佛窟即今洪覺寺也殿宇依山望之如畫


祖堂山



祖堂山

在牛首之南十里高一百二十七丈本名幽棲山劉宋遂於此建幽棲寺唐僧法融得道此山為南宗第一故名祖堂山有石窟甚深廣融居之有百鳥獻花之異名獻花巖明成化間建花巖寺陳沂作獻花巖志

幽
棲
山



雲龍山

在徐州府城南二里舊志云山有雲氣蜿蜒如龍故名東岩有大石佛又名石佛山山上為宋山人張天驥放鶴處蘇軾為之記乾隆二十二年

皇上親履河壩

睿謨指授

恩膏疊沛慶溢生民二十七年守土諸臣於山麓恭構數楹以奉

清蹕培塿僻處屢沐

龍光要惟

舜思禹功遂為萬古山靈渥寵



南巡盛典卷一百二

名勝 浙江

燠

肅

纒





烟雨樓

在嘉興府城外南湖中湖有洲建樓曰烟雨樓澄湖如鏡萬瓦鱗次雉堞周遭晨烟暮雨杳靄空濛漁唱菱歌與欸乃聲相間洵晴雨皆宜之境

六

宮

杭州府



杭州府

行宮

在湧金門內太平坊舊為織造公廨康熙二十八年

聖祖仁皇帝南巡

駐蹕於此自後屢蒙

巡幸即奉為

行宮乾隆十六年

皇上法



祖勤民親奉

皇太后安輿巡幸浙省大吏重修恭駐

清蹕萬姓嵩呼

奎章煥彩雲物舒妍松棟雲楣直與浙水吳山永

光奕禩



西湖

行宮

在孤山之南羣山環拱萬堞平連足攬全湖之勝康熙四十四年

聖祖仁皇帝省方南服數經

駐蹕於此乾隆十六年



皇上翠華臨幸全浙臣民懽忭踴躍因其舊製畧

加恢廓為

聖主歡奉

慈寧之地萬彙光昭湖山耀彩

皇情悅豫琬琰名山永符明聖之瑞應云





蘇堤春曉

宋元祐間蘇軾守臨安築堤湖上自南山至北山夾道植柳嗣守林希榜曰蘇公堤康熙三十八年

聖祖仁皇帝臨幸

御書蘇堤春曉為十景之首並構曙霞亭於左棖楠凌雲簷牙浸水春時晨光初啟宿霧未散雜花生樹飛英蘸波紛披掩映如列錦鋪繡攬勝者咸謂四時皆宜而春曉為最

柳
堤
間
景





柳浪聞鶯

宋時豐豫門外沿堤植柳地名柳洲上有柳浪橋豐豫門即今湧金門也

聖祖仁皇帝臨幸

御書柳浪聞鶯匾額並建亭構舫平臨湖曲架石梁於堤上柳絲踈地輕風搖颺如翠浪翻空春時黃鳥睨睨其間流連傾聽與畫舫笙歌相應答焉

柳浪聞鶯





花港觀魚

蘇堤第三橋曰望山與西岸第四橋斜對水
通花家山故名花港因宋時廢園鑿池甃石
引湖水注其中畜異魚數十種並建樓於花
港之南飛甍倒水重檐接霄方池一奩清可
見底揚髻鼓鬣之狀鱗萃畢陳雖濠濮之間
無以踰此康熙三十八年

聖祖仁皇帝臨幸

御書花港觀魚匾額恭懸勝境千古增輝

花港觀魚



曲院風荷


宋時取金沙澗之水造麴以釀官酒名麴院中多荷花稱麴院荷風後停造焉

國朝因其舊址平臨湖而環植芙蓉引流疊石為盤曲之勢

聖祖仁皇帝親灑宸翰改為曲院風荷並構亭於跨

虹橋之西軒檻瓊瓏池亭窈窕花時香風四起水波不興綠蓋紅衣紛披掩映穆然如見南風解愠時也

雙峯插壑



北高峯

御碑亭




南高峯

雙峯插雲

在九里松行春橋湖上諸山層巒疊嶂蜿蜒
蟠結列峙爭雄而兩峯獨高出眾山為會城
之巨鎮每當雲氣蒼鬱時露雙尖望之如插
故稱兩峯插雲

聖祖仁皇帝臨幸西湖易兩峯為雙峯構亭於行春
橋側春秋佳日憑欄四眺儼如天門雙闕拔
地撐霄靉靄祥雲隨風舒卷益徵太平雲物
之瑞應云

雷峯巒



雷峯西照

在淨慈寺北峯自九曜山來逶迤起伏為南屏支脉舊名雷峯吳越時建塔峯頂林逋詩云夕照前村見故十景有雷峯夕照之目


聖祖仁皇帝御書易夕照為西照每當日輪西映亭臺金碧與山光互耀如寶鑑初開火珠半墜雖赤城霞不是過也

三

三

三

三





三潭印月

舊湖心亭外三塔鼎立相傳湖中有三潭深不可測故建浮屠以鎮之塔影如瓶浮漾水中月光映潭影分為三繞潭作埂為放生池內置高軒傑閣度平橋三折而入空明窅映儼然湖中之湖

聖祖仁皇帝御書三潭印月匾額並建碑亭於池北

三潭印月




平湖秋月

宋時有水仙王廟在蘇堤三橋之南明季移建於孤山路口曰望湖亭

聖祖仁皇帝巡幸西湖

御書平湖秋月匾額建亭其地前為石臺三面臨水旁構水軒蟬聯金碧當清秋氣爽水痕初收皓魄中天玻璃澄澈恍若瓊樓玉宇即在當前也

南屏晚鐘



南屏晚鐘

在清波門外南屏山正對孤山層巒聳列翠
 嶺橫披宛若屏幃凌空而中峙者為慧日峯
 其下即淨慈寺也每當雲歸穴暝萬籟俱寂
 寺鐘一鳴山谷皆應逾時方息蓋茲山隆起
 內多巖穴故聲傳獨遠康熙三十八年


聖祖仁皇帝御書南屏晚鐘匾額而名山古蹟益著
 人寰矣

斷


音

時

鐘



斷橋



保俶塔

來風亭

御碑亭

斷橋殘雪

出錢塘門循湖行入白沙堤第一橋曰斷橋
界於前後兩湖之間水光潋灩橋影倒浸如
玉腰金背

聖祖仁皇帝御書斷橋殘雪匾額建亭橋上凡探梅
孤山蠟屐過此每當六出飛霙葛嶺東西悉
瓊林瑤樹晶瑩朗澈不啻玉山上行迨至條
風將屆春雪初消寒巖深谷塔頂峯頭餘光
尚積允矣熙時瑞象


南巡盛典卷一百三

名勝 浙江

湖

心

亭



天熱圖

書精博

皇

蘇

風

山

湖心平眺


在全湖中平臨浩漾南北兩峯左右對峙羣
山遙列如屏前築石臺後啟舫軒中構層樓
周遭雜植花柳雕欄畫檻金碧掩映波恬翠
繞天影涵虛極水光山色之勝

聖祖仁皇帝臨幸

御書靜觀萬類四字對聯一副又

御題天然圖畫匾額並製詩章恭摹勒石於亭上

吳山亦觀





吳山大觀

在紫陽山山巔建崇臺左江右湖近在几席而環城三十里烟火萬家與山光雲影相為映射洵一郡之大觀也

聖祖仁皇帝臨幸

御製詩章勒石建亭山上


湖山高社




湖山春社

在金沙澗北有泉發自棲霞山涓涓下流伏
 榛莽中上多桃花舊名桃溪雍正九年創建
 祠宇祀湖山之神闢地為園盛蒔卉木中構
 高軒右為溪流屈曲環繞作流觴亭亭西置
 舫齋曰臨花舫迤南為水月亭後有樓曰聚
 景最後為觀瀑軒為泉香室

湖山春社
 湖山春社
 湖山春社
 湖山春社



樓湖觀



浙江秋濤

浙江亦名曲江潮汐自海入江為龕赭二山
所約束感不得騁激而為濤一日夜再至歷
四時皆同而秋八月為尤盛

聖祖仁皇帝兩幸江濱



御題恬波利濟四字匾額並製詩章我

皇上法

祖勤民疊蒙

臨幸

宸章璀璨照耀全江自是川靈効順潮汐以時利
涉興歌安瀾永有慶焉



梅林歸鶴


在孤山之陰宋處士林逋遁跡處也循斷橋而北遙對葛嶺舊傳逋於孤山植梅三百本歲久不存後人補植者多今已成林緣逋嘗放鶴於此遂建亭其上早春雪霽梅花盛開輒有白鶴翩翩翔舞其處

聖祖仁皇帝臨幸

御書放鶴二字並製詩章又

御臨董其昌書舞鶴賦勒碑亭上而先賢遺跡倍益

光榮矣



清池寺





玉泉魚躍

在清漣寺內發源西山伏流數十里至此始見甃石為池方廣三丈許清澈見底畜五色魚鱗鬣可數投以香餌則揚鬣而來吞之輒去有相忘江湖之樂泉上有亭曰洗心旁一小池水色翠綠以白粉投之亦成綠色

聖祖仁皇帝

御製詩章恭摹勒石奉懸寺內焉


玉泉魚躍



玉帶晴虹

在金沙堤上堤有橋曰玉帶橋中設三洞以通裏湖舟楫南卽丁家山隔湖眺望林壑深窅恍如蓬闕之浮漾海上橋西飛閣撐空迴廊繞水朱欄畫拱金碧澄鱗橋畔花柳夾映灣環如帶宛若長虹臥波橫亘霄漢

而
林
一
香
亭



天竺香市

在乳竇峯北白雲峯南夾道溪流琤瑯松竹
茂密林木俱自巖骨拔起不土而生山寺有
下竺中竺上竺故稱三竺以奉普門大士所
在多村市野店春時遠近鄉民駢肩接踵焚
香頂禮以祝豐年三竺皆極宏麗而上竺爲
尤甚


聖祖仁皇帝御題法雨慈雲及靈竺慈緣匾額
世宗憲皇帝賜帑重建大殿

御製碑文


皇上南巡疊蒙

臨幸

賜上竺名法喜寺中竺名法淨寺下竺名法鏡寺



南溪盛典
卷一百三名勝
三



雲棲寺

在錢江上五雲山之西舊傳山上時有五色
瑞雲飛集遂名雲棲前繞大江沿江取路而
入行萬竹中延緣十餘里轉入轉深山半有
洗心亭爲遊人憩息之所行久漸聞鐘磬音
則雲棲寺在焉寺建於吳越時後名棲真院
明隆萬間釋祿宏號蓮池者居之復名雲棲


聖祖仁皇帝南巡疊蒙

臨幸

御書雲棲及松雲間匾額並

御製古今體詩共五章寺有大竹一竿

賜名皇竹前督臣梁鼐恭建皇竹亭輝映山寺



蕉石鳴琴

在丁家山當湖之西上有岡阜俯瞰全湖與
 北岸之烏石峯棲霞嶺相拱揖奇石林立狀
 類芭蕉題曰蕉石山房其下有池泉從石罅
 出瀼瀼作琴筑聲磴道之南有石壁高丈許
 卓立如屏遂稱蕉屏內度石牀石几瑩潤無
 滓時攜蕉尾作梅花三弄古音疏越響入行
 雲

吟
 泉
 猿
 嘯



冷泉猿嘯



在雲林寺山門外飛來峯下峯有呼猿洞六朝時僧智一善嘯嘗畜猿山中臨澗長嘯聲振林木則眾猿畢集其下有泉清瑩寒澈沁人心脾唐時作冷泉亭於水中宋時改建於岸上今仍其舊

數

亦

畫

院



敷文書院

在鳳凰山之萬松嶺嶺為會城來脉形勢雄傑有左江右湖之勝夾道栽松舊為萬松書院康熙五十五年

聖祖仁皇帝賜浙水敷文匾額因名敷文雍正十一年

世宗憲皇帝特賜帑金以資膏火延掌教講學其中集通省士之秀者朝稽夕考恭逢我

皇上四屆南巡右文臨幸

御製詩章令士子恭和以昭雅化於是鳳嶺羣松

比於薪樵械樸而

作人至治直與雲漢昭回矣

